



# نشرة أخبار المتجوزين



بقلم / هبة نود

هبة نور

# نشرة أخبار المتجوزين

نشرة أخبار المتجوزين

(المقدمة)

\*\*\*\*\*

سيداتي وستاتي اللي قاعدين قدام شاشتنا العامرة

يجعل بيوتكم عامرة

يجعل البط والوز والديوك الرومي ماتفارق سفرتكم ابدا

ويبعد عن بيوتكم الفقر والنحس الذكر

ويجعل رجالتكو خواتم في صوابعكو الصغنة قولوا آمين

معاكم حشرية الرحمة من قناة مكسورين الجناح

هقولكو موجز الاخبار وهروح اشرب كوباية شاي واجيلكو بالتفاصيل

\*

\*

خناقة بين عواطف وحسين عشان طلبت زيادة في المصروف عشان مرتبه زاد

يادي الغلب ياولاد

أحمد ضرب منى عشان حرقنتله البنطلون

تستاهل البعيدة عامية القلب والنظر

\*

حماة كاميليا جت تزورها راحت كاميليا مكهربة جرس باب الشقة

فكرة مش وحشة برضو

\*

وأخيرا وليس آخرا جوز مایسة جه من السفر لقاها أجرت الشقة مفروش وراحت قعدت عند امها

\*

بعد شوية هنجيبلكو التفاصيل أوعوا تروحوا كدة ولا كدة لاكلكو باسناني

ايوة انا شرانية وانتوا ماتعرفونيش

\*

\*

\*



معاكو حشوية الرخمة أنا روجت شربت الشاي وحبست بسندوتشين كفتة وجيت أهو

تعالوا نشوف الاخبار بالتفصيل

جيران عواطف وحسين صحبوا على خناقتهم وصوتهم العالي وبهدلة متبادلة من الطرفين

ال عشان الست عواطف شايفة جوزها مرتبه زاد وهي عايزة زيادة في مصروف البيت

معانا على الهاتف مراسلتنا الحاجة أم محمد من قدام شقة عواطف وحسين

ايوة يا ام محمد

ام محمد انتي سمعاني يختي

الصوت بعيد يا ست حشوية

الصوت بعيد ولا انتي اللي انطرشتي

علي صوتك يا ست حشوية اصلهم يختي بيتخانقوا بصوت عالي وانا مش عارفة اسمعك كويس

هما لسة بيتخانقوا يا ام محمد

اه يختي لسة بيتخانقوا والجيران ملمومة

طب خلينا نكلم حد من الجيران نسألهم

استني لما استنضفلك حد

تعال ياست

ياحلاوة انتوا هتطلعوني في التليفزيون

ايوة يختي . كلمي الست حشوية الرحمة

ايوة ياست حشوية معاكي خالتك أم ودان

أهلا يا خالتي ام ودان احكيلنا سمعتي ايه بودانك

بصراحة احنا زهقنا من الست دي ومن عمايلها المطينة

ازاي ازاي احكيلى

كل شوية طلبات طلبات مش بتبطل

وجوزها مش ملاحق على طلباتها

الراجل طلبت منه تدخل العيال مدارس لغات قالها حاضر

اعملنا اشتراك في النادي بدل لعب العيال في الشارع زي المتشردين قالها حاضر

ركبلي تكيف عشان الدنيا حر نار قالها حاضر

غير الطلبات اليومية وكل يوم والتاني تجرحه على الهايبرات وتجبب شنط فيها شئى وشويات

وبعد ده كله عايزة زيادة في مصروفها كمان

لأ لأ لأ دي كدة ست مفترية ومش تمام إديني أم محمد يا أم ودان

ايوة ياست حشرية كانت معكم ام محمد من قلب الأحداث

شكرا يا ام محمد مانجلكيش في حاجة وحشة يختي

\*

\*

\*



سيداتى وستاتى رجعتى بعد الفاصل عشان نشوف حكاية مقصوفة الرقبة منى اللي حرقت بنطلون أحمد

الغلبان

معانا على الهاتف منى شخصيا

ايوة يامنى

اهى اهى اهى

ايوة يامنى

اهى اهى اهى

يختى ردى عليه وبعدين كملى عياط براحتك

ايوة ياست حشوية





\*

\*

\*



نواصل مع حضراتكو نشرة الاخبار

بس الاول نقرا التعليقات اللي جت على ايميل البرنامج

تعليق من الحاجة حواء أم المحروسة وردة بتقول انها خايفة لاكلها

واحب اقولها لأ يا حبيبي مش هاكلك طول مانتي ست شاطرة وبتابعي النشرة باستمرار

تعليق من ام جوماننا وجنى بتقول انها متابعا

وانا بقولها تسلمي وتعيشي عقبال مانجاملك في الفرحة يارب

تعليق من المشاهدة المشاغبة سماء الفردوس فهمت منه انها بتشاور عقلها تقلد كاميليا

وانا بقولها ماتكبريهاش في دماغي انا كمان يختي

تعليق من سندسة ام مريم بتقول انها متابعا





واول ما حمتها حطت صباعها ع الجرس راحت مصرخة وكاميليا المهبولة بدل ماتسكت قعدت تعيط واعترفت

على نفسها

بس جوزها عمل نفسه مسامحها واول ما عرف ان امها جاية راح حط قشرة موز ع السلم وزحلق امها

وقالها اللي يكهرب لامي صباع اكسر لامه رجل

يلا أهم كدة بقوا خالصين المفروض يفتحوا صفحة جديدة احنا ولاد النهاردة وبلاش فيلم غرام وانتقام ده

فاصل ونواصل موضوع مايسة

\*

\*

\*



سيداتى وستاتى جالنا خبر عاجل

المعلم أبو سريع راح يسأل شيخ الجامع عن يمين الطلاق الأخير اللي رماه على الغلبانة مراته

وأكد شهود عيان ان الراجل ده عمال يرمى ايمان طلاق على الفاضية والمليانة

وبصراحة الاشكال اللي زيه كثير ربنا يهديهم ويبطلوا استهبال

ومعانا المعلم أبو سريع ع الهاتف

الو

ايوة يا معلم ابو سريع سامعني

ايوة سامعك يا ابلة المذيعه

يامعلم ابو سريع سامعني ياخويا

سامعك يا ابلة المذيعه

انت يا معلم ابو سريع سامعني

علية الطلاق سامعك ياست

اهلا يا معلم ابو سريع

اهلا بيكي يا ابلة

قولي ياخويا الشيخ فالك ايه

قالي الطلاق بالنية وانا ماكانش في نيتي الطلاق عدم الامؤاخذة

امال كان نيتك ايه

انا هحكيلك يا ابلة واحكمي انتي

قول ياخويا احكي احكي

انا كنت عازم المعلم أبو الروس على فنة كوارع امبارح

الله انتو كالتو كوارع امبارح ؟ دانا نفسي فيها اوي . هي بكام اليومين دول يا معلم

دافع فيها من لحمي الحمي سبعين حلوح

لالالا دي غالبية اوي بلاش منها كمل يا معلم

المعلم ابو الروس خلص اكل وقايم وانا اقوله كمل أكلك يا معلم يقولي شبعت بلا أفية

أقوله ياراجل زود الخير كثير

يقولي شبعت روحت قايله عليه الطلاق لو ماكلت الحتة دي لكون مطلق مراتي وبرضو مارضيش ياكل

ياخويا أن شالله ما طفح داهية تاخذك وتاخده . ايه يعني ماكلش بقيت الكوارع . تقوم انت برضو ترمي يمين  
على الغلبانة من غير سبب . دا كلام برضو يامعلم

عليه الطلاق ما كان قصدي يا ابلة المذيعه

ياراجل انت بتحلف بالطلاق تاني

عليه الطلاق ما قصد احلف بالطلاق أنا بس عايزك تصدقيني

تصدق بالله ياراجل انت

لا اله الا الله

أنا لو مكان مراتك لكنت خلعتك

عليه الطلاق انتي مذيعه فاشلة واللي طلعتك في التلافزيون راجل كروديا مايفهمش في الستات

اقفل السكة يا راجل يا ابو لسان زي العقربة انت

الراجل نكد عليه الله ينكد عليه . بعد الفاصل هنتقل بالأقمار الصناعية نصور محمود وهو واخذ اهله ورايح  
يصالح مراته ربنا يستر

\*

\*

\*



السلام عليكم

معام حشرية الرحمة من قناة مكسورين الجناح

لنا عودة للخبر بتاع مایسة اللي جوزها جه من السفر لقاها أجرت الشقة مفروش وراحت قعدت عند أمها

مراسلتنا أم محمد راحت لمایسة عشان تعرف السبب اللي خلاها تستهبل وتعمل كدة

ايوة يا ام محمد

ايوة يا ست حشرية

انتي قابلتي مایسة يختي

ايوة ياست حشرية ولسة نازلة من عندها

شربوكي حاجة ؟



ايوة الحمد لله بعنوا جابولي إزازه سفن أب

بس ده مقاطعة يا أم محمد

يختي الناس جابولي حاجة اشربها وقدريني . يعني بدل ما اقولهم كتر ألف خيركو أقولهم مقاطعة

طب خشبي في الموضوع بلاش قلبة دماغ

انا روحت قابلت مايسة وقالتلي انها أجرت الشقة عشان جوزها مايبعتلهاش مصاريف ليها وللعيال وكانت محتاجة فلوس عشان المدراس

أخص عليه راجل من دون الرجالة . او مال هو متغرب عشان مين

هو متغرب عشان يكنز على قلبه ياست حشوية ومش مهم العيال يجوعوا

طب وهو عمل ايه لما عرف بللي عملته

فرح اوي اوي وقالها خير مافعلتي يا مراتي يا حبيبتني وراح قبض ايجار الشهر وخده معاه وسافر

يالهوي . كمان طمع في الإيجار وخده معاه

اسكتي ياست حشوية دي الست مايسة عنيتها منفخة من العياط ومش عارفة تعمل ايه

ربنا معاهما بقى هنعمل ايه

طب ماتيجي نلملها قرشين يا ست حشوية

واحنا مالنا يا ام محمد هو احنا يختي هنشيل هموم الناس كمان . هو المرتب بيكفينا عيش حاف يا ام محمد

على رأيك يا ست حشرية . كانت معكم أم محمد من قلب الأحداث

أهو ده اللي انتي فالحة فيه . عاملة نفسها شخصية اوي . ال كانت معكم أم محمد من قلب الأحداث ال

كانت معكم حشرية الرخمة أو عوا تروحوا كدة ولا كدة لاخفقو

\*

\*

\*



جالنا تعليق على التويتز من المشاهدة راغبة بالفردوس بتشيد بالنشرة

وانا بقولها ربنا يكرمك ويستر اصلك يا فخر المشاهدين

كله بنفسكو ولتكو حولين النشرة

جالنا تعليق من المشاهدة سارة محمد بتقول انما مش بتحب الرجالة اللي بيحلفوا بالطلاق

وانا بقول للرجالة دول عيب كدة مراتك مش لعبة عشان تحلف بالطلاق في كل الامور حتى اللي مابتخصهاش

شيلوا اللفظ ده لو سمحتوا ونصفوا لسانكو ومن كان حالفا فليحلف بالله

واللي هنسمعه بيحلف بالطلاق تاني هنكتفه ونخطله شطة في بقه ، فاصل ونواصل نشرتنا استنوني

\*

\*

\*



نشرة اخبار المتجوزين

معكم في قلب الشقة

نحن نرصد بلاوي الستات

نحن نرصد استعباطات الرجالة

نشرة المتجوزين بيوتكم على الشاشة

\*

\*

\*



نشرة أخبار المتجوزين من قناة مكسورين الجناح نحييكم

اليكم العناوين وهروح اقطف الملوخية واجيلكو بالتفاصيل

سيداتي وستاتي معاكو حشوية الرخمة واليكم العناوين

كعبلة الست فجلة العجلة في السجادة ووقوعها فوق جوزها وهو قاعد جنب باب الشقة بيربط رباط الجزمة مما

أدى الى استغاثته بالجيران عشان يشيلوها من فوقه قبل ما يفتس

حد يطلبه الاسعاف يا جماعة الراجل هيروح في شربة مية

خناقة بين الحاجة حفيظة وجوزها الحاج اسماعيل على ورك فرخة

يا جماعة حد يضحى عشان الثاني مش كدة

بعد ما هالة لبست اتبرفنت وحضرت عشا معتبر على اضواء الشموع وجوزها رن جرس الباب وجريت عشان  
تفتح لقيته ساحب امه في ايده ويقول حطي العشا بسرعة عشان امي جعانة

قليل البخت يلاقي العضم في الكرشة يا هالة يختي

نوال اشترطت على جوزها يغيرها العربية عشان اصحابها شافوها بيها الاسبوع اللي فات كثير كثير

اللي يلاقي دلع ومايتدلعش يبقى حرام عليه

كانت هذه العناوين واروح اقضي مصالحى واجي بالتفاصيل

اوعى تتحركى يا ست انتى وهى لحسن اخرطكو زي الملوخية

استنوني كمان هقرا تعليقات المشاهدين



ايوة يا ام خميس

ايوة يا ست حشرية

وافينا يختي بأخر التطورات

لسة الوضع زي ماهو يا ست حشرية الراجل عمال يقول الحقوني ياناس . شيلوها من فوقي لتموتني الحقوني

طب والجيران موقفهم ايه

عايزين يكسروا الباب بس المشكلة ان المذكورين واقعين ورا الباب والوضع متدهور

لا حول ولا قوة الا بالله

طب وبعدين الحل ايه

واحد من الجيران اقترح الاستعانة بعربية مطافي والدخول من الشباك عشان ينقذوا الراجل

طب اديلنا حد من الجيران نكلمه

حاضر

كلم الست حشرية يا استاذ

يا عيني عليك يا راضي ياخويا يا احسن جار في العمارة

انت يا استاذ يللي بتتحسر ، أنت معانا ع الهوا ، انا حشرية الرخمة

ايوة يا استاذة حشرية

ايه اخر تطورات الموقف

انه قولتله الست دي هتجيب اجلك ماصدقنيش . ادي اللي انا خايف منه حصل

يا حفيظ يارب . بتقول كدة ليه يا خويا ان شاء الله سليمة بكرة ربنا ينجيه ويرجع احسن من الاول

عشمتنا في ربنا كبير

طب وهتعملوا ايه دلوقتي

هنطلع على المواسير وندخل من شباك المطبخ

انت ومين ياخويا . هو انتو كذا واحد هيطوع في حملة الانقاذ

ايوة طبعا . هو حضرتك فاكرة ان واحد لوحده يقدر يقومها

طب ياخويا ربنا يعينكو ويقدركو تنقذوا الراجل من جبل المقطم اللي وقعت فوقه ادبني ام خميس

ايوة يا ست حشرية

. خليكي عندك يا ام خميس ووافينا بالأخبار تباعا



طب هروح اشرب عصير قصب من ع الناصية وارجعلوهم تاني يا ست حشرية

وماله يختي روجي بلي ريقك وارجعيلهم تاني . بس هاتيلي معاكي شوية في كيس عشان عطشانة انا كمان

حاضر معاكو ام خميس من قناة مكسورين الجناح

طيب ناخذ فاصل ونروح للخبر اللي بعده ان شاء الله خليكو قاعدين او عوا تروحوا كدة ولا كدة انا بجزركو

\*

\*

\*



نشكر فخر المشاهدين الحلوين

أم اروى

شاهدينا تجدي مايسرك يا ام اروى وقولي لجيرانك يجيبو تردد القناة ويتفرجو على الفضايح

ريتا ج

معلش يخي كاتبة اسمك بالعربي اصلي مكسلة ادوس الت شيفت منورة يا قمر

ماريا

نتمنى لكي افطارا شهيا مع براجمنا

سارة محمد

معانا مش هتقدري تغمضي عينيكي

ويبا

سيبي اللي في ايدك يا ويبا وهاتي كيس لب وتعالى أزأزي قدام الشاشة ربنا مايقطعلك ارسال

أم العبادلة

مخاصمني بجاله مدة وفي ليلة الشوق ناداني طب حتى عبرينا بتعليق ولا احنا شوية في البلد يا ام عبد الرحمن

درة بنقاي

تسلم ضحككتك اللي خرمت القمر الصناعي

أم زياد

يجمد دم عدوينك يا اختي منورة . اوعي تقومي من قدام شاشتنا . برنامج عالم البحار كمان شوية

راغبة بالفردوس

يا حلاوة قعدتك قدام شاشتنا يا مشاهدة السعد والهنا منورة والله حبيبي

ندى الورود

ها تي وردة من اللي معاكي يا ندى الورود يختي

سماء الفردوس

كوباية العصير بجنيه بس انا بجيب بكيس وطالع منه شاليموه . اجييلك واحد ؟

خلصنا قراءة التعليقات ، فاصل ونعود



نشرة اخبار المتجوزين

بيوتكم على الشاشة

عارفين يعني ايه بيوتكم على الشاشة

يعني خليكو حلوين مع اجوازكو لحسن ابعلكو ام محمد وام خميس



\*

\*

\*

سيداتي وستاتي نواصل اخبارنا مجددا

معاكو حشوية الرخمة من قناة مكسورين الجناح

نرجع للخبر بتاع الحاجة حفيظة اللي اتخانقت على ورك فرخة مع جوزها الحاج اسماعيل

وجالنا فيديو مصور بالأحداث اتفضلوا شاهدوا الفيديو ولنا عودة ان شاء الله



ايه اللي محبيه ورا ضهرك ده يا اسماعيل

مافيش حاجة يا حفيظة

وريني يا اسماعيل محبي ايه عشان كدة كدة هعرف

يا ست سبيني في حالي بقى وروحي شوفي مصالح بيتك

طب وريني ايدك . ايه ده . مش ده ورك الفرخة بتاعي يا اسماعيل

لأ مش هو . يخلق من الشبه اربعين

سيب ورك الفرخة يا اسماعيل

ابعدي ايدك عن ورك الفرخة لاكسرها لك

بس ده بتاعي يا اسماعيل انت كلت بتاعك امبارح

وهاكل ده انهاردة . انتي شريكتي يا ست ولا ايه

طب يا اسماعيل والله ما مسمحاك في ورك الفرخة اطفحه بالسهم الهاري



طبعا شوفنا الفيديو اللي بيعبر عن التضحية والإيثار بين الزوجين وان الواحد مايهونش عليه ياكل اللقمة من

غير الثاني

حقيقي مستوى مشرف وراقي وحاجة تسر العين

لينا عودة مع باقي الاخبار والبلاوي

هنروح بالأقمار الصناعية نصور مباشر صلح محمود على مراته ده إذا اصطالحوا اصلا

اخبار تجيب ضغط بعيد عن السامعين

\*

\*

\*



سيداتى وستاتى الحلوين اللي عملوا شغل البيت وخلصوا طيبخ واستحموا وقاعدن يشاهدونا نحييكم

اللي ما خلصت شغل البيت وسايبة الاطباق والكوبايات ع الحوض تروح تقضي مصالحها الاول وبعدين  
تيجي بلا كسل ستات فاضي

معاكم حشوية الرخمة من قناة مكسورين الجناح اهلا بكم ومرحبا

سوف ننتقل بالأقمار الصناعية لننقل لحضراتكم مراسم صلح الاستاذ محمود ومراته

معانا مراسلتنا أم فتحي الغلسة من قدام العمارة

ايوا يا ام فتحي يا غلسة

ايوة يا ست حشوية يا رخمة

اوصفيلنا الاجواء المحيطة يا ام فتحي

عربيات الامن المركزي مالية الشارع يا ست حشوية يا رخمة عشان يأمنوا جلسة الصلح ومانعين دخول الحموات

عشان دول مسجلين خطر وهي عملوا فتن وهي ساعدوا على إثارة الشغب الزوجي

احسن برضو خير ما فعلوا خلي الصلح يتم على خير . والاستاذ محمود جه ولا لسة

أهو لسة نازل من الميكروباص وشايل بطيخة

هو الراجل ده بيستهبل ولا ايه يا ام فتحي . في حد في الدنيا يصالح مراته ببطيخة . ولا يكون ناوي يخطبها بيها  
على دماغها ويودي نفسه في داهية

كله هيبان يا ست حشرية يا رخصة . انا طالعة وراه اما اشوف ايه اللي هيحصل خليكو مشغلين القمر

خدي معاكي خوذة يا أم فتحي واقفي بعيد عن الهدف احنا مش مستغنين عنك يختي

انا عاملة حسابي ماتخافيش يا ست حشرية

ترجعي بالسلامة يا ام فتحي ، اليكم بث مباشر لمراسم الصلح



السلام عليكم يا عمي

وعليكم السلام



ازيك يا عمي

اهلا يا محمود يا ابني اتفضل

اتفضل البطيخة يا عمي

ومكلف نفسك ليه

زي بعضه ان شالله ما حد حوش . فين نبيلة

لسة فاكر تسأل على نبيلة دلوقتي

يا عمي هي اللي سابت البيت من نفسها أنا ما قولتلهاش تسبب البيت

هي يعني سابت البيت ليه ! مش من عمايلك اللي زي وشك

ليه بس يا عمي الغلط ده

هو انت لسة شوفت غلط يا استاذ . انا تقول لبنتي غوري من وشي

يا عمي هي اللي نرفرتني وختلتي اقولها اللفظ الجارح ده

. داانت ربنا يبحبك ان الامن المركزي مانع امها من حضور الجلسة

الحمدلله . مش قادر اوصفلك سعادتي اد ايه انها مش موجودة واترحمنا من وشها اللي يقطع الخميرة من



الو الو ايوة يا ام فتحي الارسال راح فين يا جماعة الموضوع حمي اوي والضرب شغال من الحموات مثيري  
الشغب

ايوة يا ست حشرية

ايوة يا ام فتحي طمني على الاوضاع

الاضاع متدهورة ومتنيلة بنيلة يختي . ام محمود وام نبيلة راحوا جمعوا الحموات اللي زيهم وعمالين يحدفوا ازايز  
ملوتوف على رجال الامن الشرفاء وعازيزين يفتحوا العمارة ويوظو الجلسة

ربنا ينتقم منهم البوعدا . طب وبعدين

خلاص الامن هيامن خروج آمن لمحمود ومراته من الباب الخلفي للعمارة وربنا يستر

خليكي بعيد يا ام فتحي عشان القنابل المسيلة للدموع يختي

ربنا يتوب عليه من الشغل في قناتكو المهبة دي يا ست حشرية



ايوة يا ام فتحي . انتي بخير

الحمد لله ربنا ستر

وافينا بأخر الانباء

تم صلح الاستاذ محمود ومراته واعتقال الحموات مثيري الشغب بتهمة اشعال الفتن الزوجية والسعي وراء انتشار  
الفوضى في البيوت

مجر باهم يختي مجر باهم ربنا ينجينا من عمايلهم المطينة

كانت معكم ام فتحي بالقمر الصناعي

نشكرك ام فتحي ونواصل نشرتنا من قناة مكسورين الجناح

\*

\*

\*



اهلا بالمشاهدة العزيزة وصديقة النشرة

ازيك يا سارة يختي منورة قناة مكسورين الجناح ، بالنسبة لملاحظتك على جملة وشها يقطع الحميرة من البيت  
فاعيزة اقولك







\*

\*

\*



بيان هام

في اشاعة مغرصة بتروجها المشاهدة ماريا

ان انا بغيب كثير

بقولها حرام عليكى اتقى الله ، ليه عايزة تقطعي عيشي من القناة يا ماريا يا مؤذية

انا جيت اهو

انا واقفة بخسارة ع القناة !!!!!!!!!!!!!!! الله يسامحك يا مرمم يا اختي ، مستنياكي بر!!!!!!!!!!!!

\*

\*

\*





نشرة اخبار المتجوزين من قناة مكسورين الجناح نحييكم سيداتي وستاتي

نكمل باقي تفاصيل الانباء

بالنسبة للخبر بتاع الست نوال اللي خلت جوزها يغيرها العربية عشان اصحابها شافوها بيها الاسبوع اللي فات  
كتير كتير

هاتولي الست دي ع التليفون عشان انا مرارتي مفقوعة منها

الو ابوة يا نوال معاكي حشرية الرخمة

هاي مدام حشرية هاورايبو

مالكيش دعوة ، انا كنت عايزة اتأكد من صحة الخبر

خبر ايه

هو جوزك غيرلك العربية زي ماطلبتني منه

طبعا طبعا هو عمره ماقالي لأ على اي طلب

يا سلام يختي ياسلام ليه ان شاء الله ما احنا بيتقالنا لأ خمسين مرة في اليوم . هو انتي احسن مننا في ايه يختي

زايدة ايد ولا رجل يعني

هو انتي وباقي الستات هتشبهوا نفسكو بيا ولا ايه يا حقوديات انتو . انا جوزي بيموت في التراب اللي بمشي عليه وحفي على مريضيت اتجوزه

جاز عليكى الهم يا شيخة . هو انتي عايزة تفرسيني

طب اقولك جود باي يا حشرية بقى عشان بحضر الشنط عشان مسافرين باريس نتفسح والطيارة كمان ساعتين

وهنتفسحي في باريس كمان . عيني عليا وعلى بختي . اقفلي السكة يا ست انتي واخفي من القناة . يارب سواق الطيارة بدل ما يوديكو باريس يوديكو الصومال وتنشفي زيبهم

ال جوزها مايقولهاش لأ ال وهيغيرها العربية . وانا جوزي بيديني حق تذكرة المترو بعد ما بيطلع عيني

فاصل ونكمل باقي الاخبار اياك تتحركو من قدام شاشتتنا المدمرة . اتفرجوع الكرتون على ماجي

\*

\*

\*



نواصل اخر تطورات الاوضاع الزوجية

نشرة اخبار المتجوزين من قناة مكسورين الجناح

حشرية الرحمة تحييكم

عودة للخبر بتاع هالة الغلبانة اللي بعد ما لبست واتغندرت وحضرت سهرة رومانسية على اضواء الشموع

لقيت جوزها ساحب امه وجاي . خبر مستفز ورزل بس هنعمل ايه . معانا في الاستوديو لتحليل الموقف  
المتزدي الخبيرة بالشئون الزوجية

الحاجة صابرة عبد الصبور خبرة ثلاثين سنة جواز . بنرحب بيكي يا ست الخبيرة

اهلا بيكي يا ست حشرية

طبعا عايزين تحليل تفصيلي وشامل للحدث بتاع هالة وجوزها

لا تحليل ولا حاجة دي مسألة مش محتاجة حيرة . دي عملة عادية من عمال الرجالة اللي تجيب شلل .  
المفروض اذا كان الخروس ناوي يجيب امه يتصل ويقول للغلبانة

عشان تعمل حسابها . مش جايب امه في ايده وطالع على غفلة ويجرق دم الغلبانة دي . ياخسارة الشمع يختي يا  
خسارة

طيب معانا هالة ع الهاتف

ايوة يا هالة

اهى اهى اهى ايوة عايزين ايه انتو كمان

واحنا مالنا يختي هو انتي هتطلعي غولبك فينا ولا ايه . على العموم عذراكي عشان الموقف المرير ده مر بيا قبل  
كدة . بس الست الجدعة تاخذ الصدمة وتقف على رجليها تاني يا هالة يختي

عندك حق يا ست حشرية . انا لازم ابطل عياط واحباط وارجع هالة بتاعة زمان اللي عمائل جوزها ما بتهزش  
فيها شعرة

ايوة كدة يختي ياما دقت على الراس طول . كلمي الست صابرة الخبرة

ايوة يا هالة يابنتي قلبي عندك

اهي اهي قلبك فيه الخير يا طنط

معلش يابنتي المرة الجاية تبصي من العين السحرية لو لقتيه جايب امه تاني في سهرة رومانسية خبي كل الاكل في  
دولاب المطبخ واطفي الشمع وخشي نامي وخليه هو وامه ياكله بواقي الجبنة اللي

في التلاجة عشان يحرم يعمل كدة تاني

ميرسي يا طنط على النصيحة الغالية

العفو يا هالة انتي برضو زي بنتي وانا عايزالك الخير . معاكي الست حشرية

متشكرين يا هالة على المداخلة

ميرسي يا ست حشرية مع السلامة

نشكر ضيفتنا في الاستوديو الحاجة صابرة عبد الصبور خبيرة الشؤون الزوجية

\*

\*

\*



نشرة اخبار المتجوزين

نحن معكم وبكم

بفضايح البيوت نرتقي

عذرا للسرية ، حكاويناع المكشوف واللي يعيش ياما يشوف

نشرة اخبار المتجوزين بيوتكم على الشاشة



انا تعبت معاها يا استاذة والله وهي مابتطلش اكل طول اليوم . فكرنا نشفطها الدهون . جهاز شفط الدهون  
انفجر في وشنا

قولتيها تعمل ريجيم واشتركتيها في مركز للتخسيس في الشارع اللي وانا لقيتها وهي نازلة واحدة كيس نايلون  
مليان سندوتشات بطاطس محمرة ولحمة ولما سألتها ايه اللي انتي بتعمليه ده ياست

انتي قالتلي اصلي بجوع في السكة وبحب اتسلى وانا ماشية

يالهوي هي بتلحق تجوع لحد مابتوصل للشارع اللي وراكو

شوفتي المأساة اللي انا فيها يا استاذة حشوية

ربنا معاك انت واللي زيك وياخد بيدكو ياخويا . اما اقوم اروح عشان احط المحشي ع النار

\*

\*

\*



فاصل ونعود اليكم بأخبار طازة

انا بعت ام محمد وام خميس ينتشروا في الشوارع ويجيبوا اخبار

انتظرونا على قناة مكسورين الجناح

\*

\*

\*



نشرة اخبار المتجوزين لهذه الساعة نحييكم واليكم العناوين

اطلاق قذائف لفظية موجهة من فم الاستاذ ممتاز لزوجته مدام إنجاز جراء تأخير طعام الغداء على البوتاجاز

ال إنجاز ال . عالم بتستهيل

تشابك بالأيدي والأرجل وكسر فازتين على سبيل الحصر في مشاجرة بين الاستاذ تلفان وحرمه الاستاذة امتثال  
بعد تلقيه مكاملة نسائية

ال إمشي عدل تختار مراتك فيك . رجالة اخر زمن



عودة الاستاذ معقد ابو حواجب مقلوبة من عمله واستنكار من مراته الست انشكاح

يا شيخ افردنا شوية مش ناقصين هم

فاصل ونعود بالتفاصيل انتظرونا اياك تتحركو لأكلكو

\*

\*

\*



عودة للخبر بتاع الست انجاز اللي عطلت الاكل على البوتاجاز

اتصلولنا بالاستاذ ممتاز عشان ده اللي مفقوع وهيقول اللي حصل بالتفصيل لكن هي لو اتصلنا بيها هتعمل نفسها مظلومة وهو ابو هب ويعدبها زي الكفار

الو

ايوة يا استاذ ممتاز

ايوا مين معايا

هو ايه اللي مين معايا دي . ماقالولك في الكنترول ولا هتستعبط

ايوا يا ست حشربة

احكيلنا يا خويا مراتك عملت ايه

يعني لازم تفكروني يا عالم . انا الست دي خنقتني من اهمالها . دلوقتي هي عارفة ميعاد رجوعي من الشغل

وكنت طالب منها محشي . يرضيكي ارجع من الشغل الاقيها لسة بتسلق ورق الكرنب

والله انا لو منك يا استاذ ممتاز ياخويا كنت حطيت دماغها في حلة المية المغلية بدل الكرونباية

طب وهي بررت الحدث ازاى

بتقول انها صحيت متأخرة ولما صحيت جاهها تليفون من ام مسعد

ام مسعد مين

ام مسعد مرات اخوها

ايه الاسامي البلدي دي . كمل ياخويا حكاية مراتك وام مسعد

قولتيها كنتي اعتذرتي بأدب وقولتيها انك مشغولة

قالتلي لا ما ينفعش اصل ام مسعد بتتامص بسرعة

طب ما تتامص ولا تولع بجاز . دي ستات عايزة الدبح بعيد عنك ياخويا . كمل يا استاذ ممتاز اشجيني

وبعد ما خلصت كلام مع ام مسعد . خبطت عليها جارتها أنهار

أنهارها اسود ان شاء الله . عايزة ايه الست انهار دي كمان

كانت عايزة حبة شطة

ليه هو البقال قافل

ياستي الست انهار مش غلطانة . لأنها كانت عايزة حبة الشطة من على الباب . لكن مراتي هي اللي صممت  
تدخلها وتعملها شاي

يالهوي ع الستات وعمائلها ياولاد

لأ وكمان زعلانة عشان زعقتلها عشان الغدا اأاخر وبتقول عليا راجل عصبي ومايتعاشرش

معلش ياخويا الست اللي زي دي نعمة

نعمة ازاي انتي هتجنيني ياست حشرية

طب انا راضية ذمتك . مش انت بعد ما شتمتها وعصبتك قعدت تنفخ وتقول استغفر الله العظيم

ايوا فعلا دا حصل .انتي عرفتي ازاي

جوزي بيعمل كدة . واديكو بتستغفروا وتاخدوا حسنات على قفانا ابسط يا عم ماحدث قدكو

\*

\*

\*



فاصل ونواصل بعد تعليقات المشاهدين على الخبر

يا اشروقة يا ام كراج يللي هتتلسوعي اول واحدة عشان ماعلقتيش

يلا الأونا الا دو الاتري مين يعلق

\*

\*

\*



منورين يا حضرات المشاهدين الحلوين

شكرا على التعليقات على الخبر

معاكو حشرية الرخمة فاصل ونواصل باقي الاخبار

\*  
\*  
\*



عودة لتفاصيل الاخبار وتطورات الاوضاع الزوجية المهيبة

بالنسبة للخبر بتاع خناقة الاستاذ تلفان ومراته مدام امتثال واللي راح فيها فازتين ضحية

وصلنا فيديو للخناقة ، الراجل خلى مراته نايمة وقام من جنبها عشان يرد على تليفون نسائي (رجالة

ماتحتشيش ) لكن مراته صحيت لما حست بيه قايم من جنبها ومشيت وراه

نترككم مع الفيديو الرومانسي الحالم











الله يخليكي يا حبيبي

والله انا بحبك اوي ومتابعة النشرة على طول

كثر الف خيرك يا حبيبي . احكي لي على اللي حصل من جوزك الاستاذ معقد

الراجل يخلي داخل خارج مبوز بسبب ومن غير سبب

ازاي يا مدام انشكاح . مافيش حاجة من غير سبب

ياحبيبي زي مابقولك كدة . هو بعيد عنك معقد اسم على مسمى

طيب ما تعمليله تحليل هرمونات يخلي

وماله يخلي اعمله

لكن قوليلي بصراحة هو انتي بتقابليه ازاي

بقابله ازاي يعني ايه

يعني بتبسمي في وشه كدة وتكوني حاطة برفان حلو ولا بسة حاجة حلوة واول ماتشوفيه تتشعلقي في رقبته

وتقوليله وحشتني

جرا ايه يا مدام حشوية . ايه الكلام اللي يدعو الى الرذيلة ده . انتي عايزة جوزي يقول عليه اهلي ماعرفوش

يربوني ولا ايه

انا بقباله رسمي بجلايبة طويلة محترمة بكمام طويلة محترمة برضو وروح قايلاله خش غير هدومك على ما احط

الاكل ع الطراييزة يا معقد

يا شيخة اتقي الله . وكمان مش عايزاه يتعقد ويقلب حواجبه . طيب وايه اللي عملتية اخر مرة عشان كدة

اخباركو وصلتنا

ابدا يختي انفجرت فيه . هو داخل من هنا وعمال يشخط وينطر روحت مدياهومله في جنباه وقولتله بعلو صوتي

جرا ايه ياراجل انت ! مالك قالب وشك علينا ليه هو احنا ناقصين خنقة

هو يقولي انا ارفان من الدنيا وانا اقوله وانا ارفانة اكثر منك ياخويا مش انت بس اللي ارفان

طب بالله عليك ده حوار بين راجل ومراته

ياسلام يختي امال عايزاه يكشر في وشي وانا اضحك في وشه ولا ايه . العين بالعين والسن بالسن والبادي اظلم

على فكرة يختي انتي اللي غلطانة

وانتي مالك انتي غلطانة ولا مش غلطانة انتي هتعليميني الادب ولا ايه

اعلمهولك واعلمه للي يتشدلك واقفلي السكة يا مرات المعقد

وبعد ما قفلنا مع الست دي داهية لاترجعها تاني ناخذ فاصل ونعود اليكم بموجز الانباء

استنيني يخي انتي وهي

على فكرة اللي ماعلقوش انا عارفاهم وهجيبهم نفرأيا نفرأيا ونعلقهم من رموشهم

\*

\*

\*



يا صباح الروقان ، عودة للتعليقات اللي وصلتنا من غير شر

دعوة من ام رقية بالعصيان المدني ضد الرجالة محبي الكرنب وبتقولوهم اللي عايز كرنب ياكله عند امه احنا مش فاضين

\*

\*

المشاهدة العسولة ليل المستغفرين بتنصح زمايلها الستات نصيحة وبتقول ان الست لو جوزها قالها انه قرفان  
او متضايق يا ريت تقوله كام نكتة تفرشه وتضحكه

يسلم لسانك يا ليل المستغفرين يا اختي

انتي كدة هتشجعيني استضيفك في الفقرة الطبية في البرنامج

انا عن نفسي بعرف اقول نكت

ياجماعة اللي مابتعرفش تقول نكت ممكن تزغزغ جوزها

ولو ماضحكش تلون وشها وتعمله اراجوز ولو ماضحكش تلمله هدومه وتطرده برا بلا هم

\*

\*

\*



نشرة اخبار المتجوزين نحييكم معاكم حشوية الرخمة واليكم العناوين تعالوا اسمعوها

تصدع عقارين وقرار ازالة لثالث بسبب شخير الاستاذ نايم أبو المناخير جوز الست أرق للصبح واستياء من

الجيران في الاحياء المجاورة

( امال مراته تعمل ايه )

الست أمينة أم ايد طاهرة تقلب بنطلون جوزها الاستاذ غفلان واستيقاظه على غفلة

( نهارها مش فايت ان شاء الله الحرامية ام ايد طويلة )

زيارة مفاجئة من حماة الاستاذ محظوظ ليهم يوم الجمعة

( ال محظوظ ال )

فاصل ونرجع للتفاصيل

خليكو قاعدين لاكلكو باسناني



\*

\*

\*



xxxxxxxxxxxxxxxxxxxxxxxxxxxxxxxx

xxxxxxxxxxxxxxxxxxxxxxxxxxxxxxxx

xxxxxxxxxxxxxxxxxxxxxxxxxxxxxxxx

xxxxxxxxxxxxxxxxxxxxxxxxxxxxxxxx

xxxxxxxxxxxxxxxxxxxxxxxxxxxxxxxx

يا نايم اصحى حرام عليك

xxxxxxxxxxxxxxxxxxxxxxxxxxxxxxxx

xxxxxxxxxxxxxxxxxxxxxxxxxxxxxxxx

xxxxxxxxxxxxxxxxxxxxxxxxxxxxxxxx

xxxxxxxxxxxxxxxxxxxxxxxxxxxxxxxx

xxxxxxxx

اصحى ياراجل وداني باظت حرام عليك قربت انطرش واعجز بوداني

ايه ايه في ايه ياست انتي

فيه ايه انت ياخويا . مش عارفة انام

ياشيخة حرام عليك صحتيني من احلى نومة . كنت بحلم بزلال

الزلزال ده انتو اللي عامله بمناخيرك ياراجل . نفسي انام ياناس ، نفسي اناaaaaaaaaاام



وانا مالي ماتنامي هو انا ماسكك

مش عارفة انام بسبب شخيرك

ياسلام على دلع الستات . مصحيان عشان السبب الهايف ده . روحي نامي في اوضة تانية

حاولت انام في كل اوض الشقة وكل مادخل اوضة الاقي شخيرك سابقني على هناك

يعني اعملك ايه حطي قطن في ودانك

حطيت قطن مانفেশ برضو

روحي نامي ع السلم وسييني اكمل نومي

ياخويا دا الجيران اشتكو من الشخير والحيطان اتصدعت اتقي الله الناس هتتشرد وهيترمو في الشارع بسبب

مناخيرك وعماييلها

ياولية هو بمزاجي . وبعدين انتو ناس مفترين . عشان انا نايم ومش سامع حاجة اصلا

ياجتك ياخويا ياجتك

طب تصبجي على خير

إخ

XX



بعد ما اتفرجنا على الفيديو عايزين اراءكم على التويتز

هو انتي لو جوزك بيشخر هتصحيه ولو هتسبيه نايم وتحتسي عندالله وتقولي اللي يجب حد يجب كل مافيه

\*

\*

\*



ايها الستات الطيبات وايها الستات المفتريات ايضا نحييكم ونقدم لكم نشرة اخبار المتجوزين

معاكم حشوية الرخمة من قناة مكسورين الجناح

بالنسبة للتعليقات اللي جاتلنا على التويتز

جالنا من المشاهدة حفيذة الصحابة تعليق بيقول انه غلط الست تشتغل مع الراجل

وانا بقولها أكل العيش كدة يختي هنعمل ايه

وبعدين هما في حالهم واحنا في حالنا

وكمان المشاهدة بتسأل انا لابسة ايه ، اصلها خايفة لكون لابسة حاجة مخالفة للشرع

بقولها يختي بصي في الشاشة الاول

حشرية الرخمة محجة . خلاص سمحوا للمحجبات يظهرها على القنوات

لا تقلقي يا اختاه اتفرجي علينا بقلب جامد

بالنسبة لأم رقية اللي جوزها مش بيشخر

بنقولها لازم جوزك ماشي بمنهج السلف اللي بيحرم المعازف

بس بقولها انتي محرومة من الابداع يا ام رقية

نكمل تفاصيل النشرة وبعدين نبقي نكمل تعليقات

## فاصل ونواصل

\*

\*

\*



عودة للخبر بتاع أمينة ام ايد طاهرة اللي جوزها افشها بتنصف جيوبه

معانا على الهاتف أمينة أم ايد طاهرة

الو ازيك يا ست امينة

مساء الفل يا حلاوة

حلاوة ! مساء النور يا معلمة امينة . ايه يختي العمائل السوداء اللي بتعملها دي ! مش عيب كدة

هو ايه اللي عيب عدم الا مؤاخذة ! هو انا سرقت حد غريب . انا سرقت راجلي وابو عيالي

يا ست عيب كدة الراجل مآمنك على ماله

جرا ايه يا حلاوة هو انا سرقت الفلوس عشان اصرفها

امال سرقتيها ليه يا ام ايد طويلة

عشان احوشها واشيلها في الحفظ والصون

طب ما قولتليش جوزك لما أفشك عملي ايه

اسكتي يا شيخة دا طلع راجل مش ولا بد . الراجل عمل نفسه نايم وبعدين شافني وانا بشيلهوم في الدولاب

وخلاي خرجت من الاوضة وراح لامم تحويشة العمر وخباه . لأ وبجاحتته بيتهمني بالسرقة . طب انا راضية

ذمتك يا حلاوة

مين فينا اللي حرامي أنا ولا هو

يا ولية انتي بتستعطي . دي فلوسه وشقاه

فلوسه ازاي يا حلاوة اذا كان اتسحب وخدمهم من دولاي الحرامي

لا دانتي يتفاتلك بلاد . طب وعملي ايه

روحتم عملتله محضر في القسم وجم خدوه وبيحققوا معاه

يعني سرقتي الراجل وليستيه تهمه كمان . يلا يا حرامية

أهو انتي اللي حرامية

أنا حرامية برضو . انا حشرية الرخمة يتقالي يا حرامية!!!!

ايوة حرامية والعقد اللي انتي لابساه ده بتاعي

يالهوي اقطعوا الخط دي هتلبسني مصيبة انا كمان

فاصل ونواصل بلاوي الستات

\*

\*

\*



نشرة اخبار المتجوزين

نحن نجري وراء الاحداث

هي تجري واحنا نجري وراها لحد ما نتمسكها ونجيبها لكو

نشرة اخبار المتجوزين

بيوتكم على الشاشة

\*

\*

\*



ايها السيدات خبر عاجل

خناقة على شراب مقطوع بين الحاج عجوة بتاع الخضار ومراته الحاجة برقوقة

معانا أم محمد من قدام محل الخضار بتاع الحاج عجوة

ايوة يا ام محمد

طب اوزنلي نص كيلو طماطم وربع كيلو كوسة

هو مين ده اللي يوزنلك نص كيلو طماطم وربع كوسة يا ام محمد

استني بس يا استاذة حشرية دا الطماطم عنده بسبعة جنيه بس

يا ام محمد هو انا بعثاكي تغطي الخبر ولا تجيبي خزين بيتكو

خلاص وزنلي انا فضيتلك اهو خير

خير انتي يا حبيبي ما تقولي ايه اللي حصل

ولا حاجة اصطلحوا خلاص اقللي

انت عبيطة ولا بتستعطي يا ام محمد . انتي عايزة تقفيلنا القناة ولا ايه حكايتك بالظبط . قوليلي اتخانقوا ليه

ما عرفش اتخانقوا ليه بصراحة سبيني انقي الخيار عشان السلطة

جرا ايه يا ام محمد شكلك خدي رشوة عشان تسكتي على الخبر

يا شيخة اتقي الله . انتي عايزة تقطعي عيشي من القناة يا غلاوية يا صفرا



انا غلاوية وصفرا يا مراسلة نص كم يللي بتكملي عشاكي نوم

استوووب

يا ست حشرية يا ست حشرية حرام عليكى اشد شعري . انتي بدل ما تغطي الخناقة بتخانقي مع المراسلة

هي اللي شتمتني الاول

معلش حقلك عليا . يارب توب عليا من الشغل مع الحریم يا قادر يا كريم ٤٣٢١

ابدأي

ايوة يا ام محمد حقلك عليا ماترعليش

خلاص المسامح كريم . الحاج عجرة اداني فيديو بالأحداث هجيهولك وانا جاية

طب وانتي جاية هاتيلي معاكي كيلو طماطم وحزمتين بقدونس

حاضر من عيني

## فاصل ونشاهد الفيديو

\*

\*

\*



ايها المشاهدات الحسنات اللي قدام التلفزيونات

نواصل نشرة اخبار المتجوزين

نسيكو مع الفيديو



انا مش عارف الشرابات بتروح فين . انتي يا برقوقة يا برقوووووووووووووووووووووووووووووووقة انتي ياست

عايز ايه يا عجوة ايه الغاغة اللي انت عاملها دي

ياست انتي انا عمال ادور على شراب البسه مش لاقى

لا عندك شرابين في الدرج

يا ولية كل شراب منهم فيه فردة مقطوعة

والله انتي مفترى يا عجوة . طب ما تاخذ الفردتين اللي مش مقطوعين والبسهم

يا ست عايزاني البس فردة نبيتي وفردة زرقا

وماله يا عجوة هو عيب ولا عيب . ولو مش عاجبك خلاص . البس الجوز النبيتي أو الجوز الازرق

انتي عايزاني انزل الشارع بشراب مقطوع وصوابعي تبان

وماله لما صوابعك تبان . خليها تنهوا من كتمة الجزمة

يا ولية انتي هو انا مش لسة شارى اتناشر جوز شرابات

كلهم في الغسيل

وانتي ماغسلتيهوش ليه

طب ما تغسلهوش انت . وانت صغير

وان شاء الله هعمل ايه دلوقتي

مش مشكلتي . ولا اقولك خلاص خد شراب من بتوعي

انتي اتجننتي يا ولية عايزاني انزل الشارع بشراب حرمني

طب اعملك ايه دلوقتي

خييطلي فردة عشان انزل افتح المحل

لا انا عندي حل احلى . انت لا تنزل ولا تطلع اقعد معايا نفصص البسلة سوا

لا يا شيخة ما اخودلك الغسيل فومين احسن

يا ريت يا خويا داانا عندي تل غسيل

ماهو من اهمالك . شراب عدل مش لاقى . أكلة حلوة مافيش . كل عيشتي معاكي بصل في بصل

انت عيشتك معايا زي البصل يللي عمري ماشوفت معاك توم حلو

يا شيخة روعي بمناخيرك اللي زي البطاطساية

انا مناخيري زي البطاطساية يا ابو وش مكيب زي البتنجان الرومي . الا ما شوفت معاك يوم اخضر زي

الملوخية

يعني غلطانة كمان وليكي عين تغلطي . في ست في الدنيا تهمل جوزها بالشكل ده

هاتلي شغالة من الفلميين

يا شيخخة روحي ، فلميين !!! كمان مش عارفة تتكلمي ! اسمها الفلبين يا ام جهل ، . الله يسامح اللي دلوني  
عليكي وقعدو يقولو ست بيت شاطرررررررررة



\*

\*

\*

منورين يا ستات يا حلوين والله

النشرة منورة بنصايحكو وريحة شرباتكو ال.....

الحلوة ، يلا بلاش نغلط

نرد ع التعليقات بتاعة الهوانم المتابعين

جانا تعليقات من درة بنقاي وسماء الفردوس على خناقات الشربات اللي شبعوا منها ، وانا بقولهم

يجتي يا درة هانم يا حبيبي انتي وسموءة هانم الخناقات على الشربات خدت مني راقات

انا بقى تلاقي الدرج مليون شربات والله الحمد لكن جوزي دايم يسألني على الشربات اللي في الغسيل

مع ان الدرج مليون والله بس هو ماشاء الله عليه فاكر شراباته شراب شراب ولو لقي شراب غايب لازم يسأل

عليه ويتخانق عشانه

راجل مخلص لشراباته صحيح

\*

\*

\*



سيدياتي وستاتي رجعتا لكو بأخر تطورات الاوضاع الزوجية الشائكة

معاكو حشرية الرحمة ونواصل تفاصيل الاحداث











رايح لامي عشان وحشتني

يا سلام مانت لسة كنت عندها الاسبوع اللي فات . هي لحقت توحشك

اذا كنتي انت امبارح كنتي عند امك ومع ذلك وحشتك . مش عايزة امي توحشني بعد اسبوع

طب يا حبيبي سلم على مامتك كثير كثير كثير

عنزة يا حبيبي . حقيقي يوم الجمعة دا يوم مريح بشكل

مع السلامة يا ام عنزة

انا ام عنزة يا خروف من غير فروة انت

\*

\*

\*



ايها السيدات المحترمات جالنا نبأ عاجل

بعد صبر الجمهور اخيرا زواج مهند من نور

على البنات المهبولات المعجبات بمهند ان يلتزمو برباطة الجأش

اياكم والانتحار . راح مهند حطو عينكو على يحي واخطفوه من لميس وشكشكوها بالدبايس

فاصل ونأتيكم بالتفاصيل بس بكرة ان شاء الله

عشان مواعيد عملي الرسمية خلصت والقناة النصابة دي ما بتديش اوفر تايم

\*

\*

\*

سيداتي وستاتي نشرة اخبار المتجوزين تأتيكم على رأس الساعة

معاكم حشرية الرخمة

معلش يا مشاهدينا يا طعمين النهاردة ما عندناش عناوين نظرا لغياب المراسلين

اصل ام محمد عندها غسيل وام خميس جايلها السباك النهاردة وام فتحي جوزها ضربها وكسرلها رجلها وان شاء

الله هترجع بعد ماتفك الجبس

عشان كدة النهاردة هنستقبل شكاوى الازواج والزوجات على الخط الساخن

ومعانا اول تليفون

ايوة مين معايا

ايوة يا استاذة حشرية معاكي سيد سيد السيد بكلمك من مدينة العنكبوت

اهلا يا استاذ سيد سيد .الا هي فين ياخويا مدينة العنكبوت دي .بيروحوها ازاي من صلاح سالم

لا دي مدينة جديدة خالص مراقي اللي عملتها

ماشاء الله باين مراتك من اصحاب النفوذ والعقارات والعمارات .بقولك ايه ياخويا عندكو مساحات خضرا

وملاهي للعيال ؟ اصل ابن اختي هيتجوز وبندورله على شقة

يا ست حشرية مدينة العنكبوت دي في شقتي .العنكبوت عشش في الشقة بسبب الهانم مراقي اللي سايبة البيت

على طول من غير تنضيف

ياخويا داانت راجل هوال صحيح ، هو عشان كام عنكبوت عششو عندك في الشقة تقوم عملها حكاية

ورواية وتتصل بينا وتعطلنا

ياست حشرية انتي بدل ماتقولي لمراي كلمة تخليها تهتم بنضافة البيت تقومي تلوميني عشان اتصلت .ايوة طبعاً

مانتي ست زيهـا ولازم تدافعي عنها

بقولك ايه يا استاذ سيد السيد سيد

لا حضرتك انا اسمي سيد سيد السيد

حقك عليـة ياخويا اتلخبطت في اسمك .انتو عندكو زعافة

ايوة عندنا

شايلينها فين

في المطبخ

طب روح المطبخ وهات الزعافة وزعف الحيطان من العنكبوت ولا الحوجة لمراتك

عندك حق كانت تايهة عني فين الفكرة دي ربنا يخليكي ياست حشرية يا حلالـة العقد

ايوة كدة ومش عايزة راجل يشتكي تاني من مراته لخطله قطرة في عينه

رجالہ اخر زمن ، ال اللی مراتہ مابتکویلوش ہدومہ یشتکی والی مراتہ اخرت الغدا یشتکی .ایہ مش ہنعرف

نریکو ولا ایہ

فاصل ونستقبل الاتصال التانی

\*

\*

\*



سیداتی وستاتی ازیکو وطاب صباحکو ومساءکو

نقدم لکم نشرہ اخبار المتجوزین من قناة مکسورین الجناح

معاکو حشریة الرخمة احبیکم

نواصل استقبال شکاوی الحیاة الزوجیة لحن عودۃ المراسلین ان شاء اللہ

ومعانا تاني متصل الو

ايوة ياست هانم

ايه الراجل المتربي اللي عارف قيمتي ده . مين معايا

جوز حضرتك يا حشوية هانم

جرا ايه يا سعيد . انت ازاي تتصل بيا اثناء مواعيد عملي الرسمية

حضرتك قافلة الموبايل وكان لازم اكلمك

بعدين ياسعيد اقل دلوقتي عندي شغل

يا ست هانم انا مش متصل عشان اسمع صوتك الفتان . انا متصل اسألك عن فردة الجزمة البني

جزمة ايه وشراب ايه يا سعيد ايه الفضايح اللي ع الهواء مباشرة دي . اقل دلوقتي الله يهديك

فين فردة الجزمة البني يا ست هانم

هتلاقيها عندك في الجزامة يا سعيد



مش في الجزامة انا مش لاقيتها وعمايز انزل يا ست هانم مش فاضي

ايوة ايوة افتكرت يا سعيد . دي هتلاقيها في اوضة النوم من ساعة ما كنا بنتخانق اخر مرة وكنا بنحدف بعض

بيها

طيب يا ست حشوية يا ست يا مترية

الله يخليك يا سعيد يا راجل يا ابو الذوق . اقطعوا الخط ولا عاجبكو الفضايح دي

فاصل ونواصل وعمايزين ستات يتصلوا بينا بقي ، الرجالة قلبوا دماغنا

\*

\*

\*

ايها السيدات اللي ناقصلهم شبات نحييكم ونواصل استقبال المكالمات

الو

ايوة يا طنط حشرية

طنط في عينك . مين اللي بيتكلم

انا اسمي ناني عروسة جديدة من شهرين بس يا طنط حشرية

عروسة لما تلوشك يا بت انتي . بطلي تقولي طنط لحسن هقطع الخط

حاضر يا طنط أأأ قصدي حاضر يا مدام حشرية

ايوة كدة احبك . انما تصغري روحك وتكبريني مش هيحصلك طيب . خير يا ست ناني

انا متصلة بيكي عشان اشتكيلك من هاني

هاني مين

هاني جوزي

ماله

مش بيخليني اروح عند مامي



الواحدة تبقى هتهبل ونفسها تتجوز وامها تلف بيها ع المشايخ عشان النحس يتفك وتلاقي راجل يعبرها .  
وتبقى مش طايقة امها اصلا ونفسها تفارقها بالمعروف

ولما تتجوز وتلاقي بيت يلمها بدل ما تبوس ايد الراجل اللي خلاها ست وليها بيت ، كل يوم عايضة تهج عند  
امها وتسيب الراجل . خلاص امها احلوت دلوقتي وبقت توحشها

ستات اخر زمن . فاصل ونواصل خليكو قاعدين ولا اقولكو روحوا وتعالوا بكرة عشان لسة هقوم اغسل

. رجلي بالحجر

\*

\*

\*



إلى هنا ايها الستات والسيدات الفاتنات من غير ليننز ولا باروكات اللي مهنيين اجوازهم ومخليين حياتهم  
احلى من السكر النبات ، انتهت نشرة الفضايح الزوجية

كانت معكم حشرية الرخمة من قناة مكسورين الجناح

وقبل ما امشي احب انوه تنويه صغنون ان اول عرض للنشرة كان بمنندى اخوات طريق الإسلام سنة ٢٠١٢

بقلم الكاتبة الشقيانة هبة نور

يارب اكون قدرت اسعدكو وارسم البسمة على وشكو

يكفينا ويكفيكو شر الحزن والنكد قولوا آمين يا احلى مشاهدين